

KERATAN AKHBAR


TARIKH : 25 JULAI 2023
AKHBAR : BERITA HARIAN
MUKA SURAT : 12

Pelaburan Tesla pacu perubahan baharu ekonomi negara

Pelaburan Tesla pacu perubahan baharu ekonomi negara

• Kita tidak boleh bergantung kepada aktiviti pengeluaran bermula rendah seperti proses pemasangan asas semata-mata dan kurang kesan limpahan ekonomi

• Jika ingin mendapatkan manfaat langsung secara jangka panjang, peranan swasta sahaja tidak mencukupi, kerajaan perlu berperanan aktif mempunyai hubungan bersama dengan pihak swasta



Oleh Prof Madya Dr Irwan Shah Zainal Abidin
bhrenscama@bch.com.my

Profesor Madya
Pusat Pengajian
Ekonomi, Kewangan
dan Perbankan,
Universiti Utara
Malaysia (UUM)

Kerjasama ekonomi antara Malaysia dengan pengasas dan Ketua Pegawai Eksekutif (CEO) Tesla Inc dan Space X, Elon Musk membuka satu lembaran baharu kepada landskap pembangunan ekonomi negara. Ia menjadi pemacu perubahan sangat diperlukan dalam proses reformasi ekonomi lebih progresif, inklusif, moden dan mampan.

Pasca pandemik COVID-19, manusia mengalami perubahan besar terhadap keadaan hidup dan mewujudkan satu bentuk *game changer* untuk mereformasi ekonomi secara struktural dan menyeluruh.

Seluruh pandemik, ekonomi kita sudah berhadapan dua cabaran utama, iaitu cabaran revolusi teknologi dan juga cabaran krisis iklim. Di sinilah kita perlu fahami signifikansi kepada pelaburan syarikat Tesla Inc dan SpaceX kepada ekonomi Malaysia.

Hakikatnya, kita bukan hanya inginkan pelaburan, tetapi memerlukan pelaburan berkualiti tinggi. Kita bukan sahaja menginginkan peluang pekerjaan diwujudkan, bukan pelajaran berpendapatan tinggi. Kita bukan hanya inginkan pertumbuhan ekonomi, tetapi pertumbuhan secara inklusif dan mampan.

Realitinya, proses perindustrian perlu ada peningkatan dalam rantaian nilai. Kita tidak boleh bergantung kepada aktiviti pengeluaran bermula rendah seperti proses pemasangan asas semata-mata dan kurangnya kesan limpahan ekonomi, terutama di kawasan luar bandar.

Kita tidak boleh selamanya menunggu akhir kepada teknologi, sebaliknya perlu ada juara akan membawa kemajuan dan penciptaan teknologi tinggi. Jadi, kedatangan Musk sememangnya akan menjadi pencetus kepada perumpamaan perjalanan baru dalam ekonomi kita.

Ia boleh dilihat sebagai perumpamaan kepada *great reset* kepada ekonomi Malaysia. Pelaburan Tesla Inc dan Space X ini dijangka akan berperanan sebagai sauh kepada penyelesaian masalah ekonomi membelenggu rakyat ketika ini, seperti kadar pertumbuhan gaji mendatar, kadar pertumbuhan kos sara hidup meningkat lebih tinggi daripada kadar pertumbuhan pendapatan, masalah runa tenaga tidak pernah, graduan menganggur dan kebergantungan kepada teknologi yang masih rendah.

Perkara pokok di sini adalah peranan kerajaan sendiri. Perlu ada satu bentuk hubungan simbiotik antara kerajaan dengan Musk. Ini perlu digerakkan segera, seperti meningkatkan per-

bahan dalam aktiviti penyelidikan dan pembangunan (R&D), terutama berkaitan teknologi pada peringkat permutaan memerlukan kos serta berkorang tinggi untuk memastikan peralihan teknologi berlaku akhirnya akan meningkatkan tahap produktiviti negara.

Pertumbuhan kadar upah cerah

Dengan peningkatan dalam tahap produktiviti, skop untuk peningkatan dalam pertumbuhan kadar upah negara juga akan menjadi semakin cerah. Begitu juga usaha memperkasakan lagi tahap kekuatan permintaan domestik negara dalam konteks kecenderungan untuk melabur dalam ekonomi domestik secara keseluruhan, bukan sahaja dapat memberi peluang kepada pekerjaan berpendapatan tinggi, bahkan monark minat pekerja mahir untuk berja ke negara ini.

Apa yang penting, rakyat dan pelabur mempunyai keyakinan ekonomi Malaysia ketika ini berada pada landasan betul dan mempunyai prospek baik pada masa hadapan. Maknanya, dalam jangka panjang, rakyat dan pelabur perlu melihat usaha dilakukan kerajaan akan dapat meningkatkan prestasi ekonomi dengan pertumbuhan ekonomi menjunjukkan kemakmuran serta kesejahteraan dalam hidup serta ekosistem perniagaan kondusif untuk usahawan dan pelabur untuk membuat perbaikan, perdagangan, serta pelaburan luar bandar.

Kita perlu ada visi dan persekitaran untuk inovasi adalah sangat kritis. Dengan adanya inovasi, teknologi baharu dibasiskan haruslah juga dimanfaatkan kepada sektor lain yang kritis, seperti dalam sektor pertanian, dan juga meningkatkan infrastruktur digital, terutama di kawasan luar bandar.

Misalnya, apakah projek *moonshot* kita pada masa hadapan? Adakah ia program mewujudkan usaha teknologi tembusan untuk menjadi seperi! Musk suatu hari nanti? Apakah akan ada syarikat Malaysia menjadi gah seperti Tesla Inc ataupun Space X pada masa hadapan?

Kita perlu fahami, kejayaan Musk pada hari ini juga anfaranya hasil hubungan simbiotik antara sektor awam dengan swasta di Amerika Syarikat (AS). Syarikat Musk ini misalnya, mendapat subsidi berbilion dolar daripada kerajaan AS untuk membina kapasiti perniagaannya.

Sebab itulah, jika kita ingin mendapatkan manfaat langsung dan juga secara jangka panjang, peranan pihak swasta sahaja tidak mencukupi. Terdapat peranan aktif dan mempunyai hubungan bersama dengan pihak swasta. Maksudnya, kerajaan tidak boleh, tetapi perlu menjadi pemudah cara semata-mata dalam hal ini.

Mengikut laporan media, Musk dijangka akan datang ke negara ini dalam jangka terdekat. Diharapkan ada perbincangan dan maklumat lebih khusus serta mungkin juga kita boleh melantik beliau sebagai penasihat khas berkaitan dengan pembangunan teknologi baharu dan berimpak tinggi serta pembangunan dalam sektor aerowangka kepada kerajaan.